

مسکن شمس

سر ۱۳۳۰

والله يهدي من يشاء الى صراط مستقيم ديني ، علمي ، ادبي ، سياسي هفتعلق مجموعه اسلاميه در
اتبعون اهدكم سبيل الرشاد

صاحب و مدير مسئول : ح . اشرف اريب

فرانسه ده احوال حاضرہ اجتماعیہ

فرانسه ده فحش و جنایت جو غالبور ، قانونسزاقی و بالنتیجہ آنارشی حکم سوریور ، ہیئت عدول معصیتکارانہ بر مساعہ ابرازیلہ اک مدہش جانیلری تبریہ ایدیور ، میخانہ لک عددی آرئیور ، نفوس تناقصده بردوام ، اخلاقہ مغایر افعال و حرکات ہر سہہ برر نسبت ہندسیہ ایلہ تکثر ایتکدہ ، خلاصہ سیزہ اک سیاہ و دومانی حکمر و پردیرہ بیلہ جک نہ قدر وقایع واریسہ فرانسه ده حیرتی موجب بر مبدولیتلہ مشاہدہ ایدیور « سلائیک - روم ایلہ

شیرین

مجلس مبعوثان عثمانی

مجلس عمومیہ مکرمہ کشادی ، نظم و نظامیورہ نسیانک بشنچی کونی مجلس عمومی عثمانی مراسم مخصوصہ و کمال احتفال ایلہ کشادہ ایدیور . یکی مبعوثان ، صدراعظم و ہیئت وکلا سالونہ کادکن دکر زوالی ساعت ایکینی درت کچہ ذات هایون حضرت خلافتینای شہزادگان حضراتی ، سرکاتب و سرقرین و تشریفات عمومیہ ناظرلری بک افندیلر ویاوران ایلہ مجلس صالونی تشریف بیوردیلر . سرکاتب بک افندی قیرمزی آطلس کیسہ درونندہ بولونان نطق هایونی بالتلیم صدراعظم پاشایہ تودیع ایتدی . مشارالیه دخی بعدالثلیم غایت یوکسک برسلسلہ ذات حضرت پادشاهی نامنہ آتیدہ کی نطق افتتاحی قرائت ایلدی :

محترم اعیان و مبعوثان ،

ہر مملکتدہ مشروطیتک فیض بخشا و مشر بر صورتدہ استقرار و انکشافی قوہ تشریعیہ ایلہ قوہ اجرائیہ بینندہ عدل و موازنسک تثبیت و تأمیننہ موقوف بولمسنہ و بوامنیہ نک حصوانہ ساعی اولان حکومتلہ قوہ تشریعیہ آردسندہ اختلاف وقوع بولمسنہ مبنی قانون اساسی موجبہ مجلس مبعوثانک فسخنی ارادہ ایتمش ایدم . ینہ قانون اساسی ایلہ معین اولان مدت ظرفدہ انتخابات جدیدہ اجرا ایدیورک بوکون مجلس ملیک کشادینہ بلطفہ تعالی موفقیت حاصل اولدی ، بومناسبت خیرہ ایلدہ جناب حقہ حمدو ثنا ایدر وجملہ کزہ بیان خوش آمدی ایلرم .

مشروطیت ادارہ نک مابہ القوامی اولان قانون اساسینک احتیاجات مملکتہ کورہ اکمال تعدیلاتی برنجی درجہ دہام و الزمدر . مجلسکزک اول امردہ بوجہ صرف اہتمام ایتسنی و تودیع اولنہ حق قوانین لایحہ لرینک سرعت تدقیق و تصدیقی و بونلرک حین مذاکراتسندہ کچیریلہ جک ہر دیقہ نک حیات ملتدہ پک قیمتدار اولدیغنک نظر اہمیتدن دور طو تلامسنی حیت وطنیہ کزدن بکلام .

مملکتدہ تجارت و زراعت و صناعتک بحق انکشافی امن و آسایش تقریرینہ وقواعد عدل و مساواتک تماماً تطبیقہ وابستہ در . بومقصدک فعلاً تأمیننہ ضمنتدہ احتیاجات محلیہ بی رأی العین مشاہدہ و تدابیر مقتضیہ بی بلامہال مخلندہ اتخاذ و تطبیق ایلک اوزرہ داخلہ ناظر مرکز ریاستی تحتندہ روم ایللیہ بر ہیئت مخصوصہ اعزام اولمش و ہیئتجہ

تقرر ایدن اصلاحات پیدرپی تطبیق ایدلمکدہ بولمشد . سائر ولایاتمز احتیاجاتنک دخی تدقیق ، اراضی مسائلنک حل و عشاائرک اسکانی ایچوندہ آروچہ ہیئتلر اعزامی مقرر بولمشد .

امور نافعہ جہ کشفیات ابتدائیہ سی اجرا قلنان و آناطولیہ بر حیات جدیدہ ویزہ جک اولان صامسون - سیواس ، ارزنجان - ارضروم و طریزون - ارضروم دمیرویوللری حقندہ مذاکرات جریان ایلکدہ اولدینی کی ، آناطولی خطلرینی سیواس خطوطنہ ربطایدہ جک اولان دمیرونلک اہمیت عظیمہ سنہ مبنی سرعتلہ انشاسی اسبابی تدقیق ایدلمکدہ و مناسرتدن یونان حدودینہ ، قومانوندن بلغار حدودینہ قدردہ برر خط حدیدی انشاسی ایچون شرکتلرلہ مذاکرہ دہ بولنمقدہ در . اسکوب - قالقاندلن - غستوار شمندوفرینک دہ مقالہ سی عقد ایدلمش اولوب مجلسکزہ تودیع اولنہ جقدر .

واردات دولتدہ سنین سابقہ دہ اولدینی کی اوچ یوز یکریمی یدی سنہ سنندہ دہ پک مہم بر تزیاد وارددر . اوچ یوز یکریمی سکز سنہ سی بودجہ سنک مجلسکزجہ سرعت ممکنہ ایلہ تدقیق و تصویب غیر تکزدن منتظر در .

سنہ لردن بری سفک دمایہ سبب اولان ین مسئلہ سی اورالردہ کی قوہ عسکریہ مز قوماندانی وارکان حربیہ مز رئیس عزت پاشانک اتخاذ ایلدیکی تدابیر عسکریہ و حکیمانہ ایلہ حسن صورتلہ حل اولنہ رق حداللہ سکون حاصل اولمش و عسیر جہتلرنندہ دخی اعادہ سکون ایچون تدابیر عسکریہ اتخاذ اولمشد .

صادق و قیمتدار بر مامورمز اولان سیسام بکی قوپاس افندی حقندہ کی سوء قصد موجب تأسفمز اولمشد .

کریددہ حقوق حکمرانیزک محافظہ سی اساسندہ متحد بولاندقلرینی و بواساسہ مغایر بر حرکتک وقوعنہ مساعدہ ایتیمہ جکلرینی انکلتزہ فرانسه و روسیہ دولتری بزہ تأمین ایتمشلدر . حکومتمز بومسلہ دہ تیقظ و تبصرلہ حرکت ایتکدہ اولدیغندن احوالک کسب ایدہ جکی شکلہ کورہ تدابیر اتخاذ و حقوقکزک محافظہ سندہ ثبات ایدیور جکدر .

قوای حربیہ مزک ترقیات اخیرہ سی موجب ممنونیت بر حالہ اولوب بونک بر قانداہا تکمیلی اسبابنہ اعتنا اولنسی نخبہ آملزدر . بویولدہ مصروف اولان مساعی صلح و آسایشک محافظہ سنہ و حقوق مملکتک مدافعہ سنہ معطوفدر .

سیاسیات خارجیہ مزدہ حکومتمزک تعقیب ایتدیکی خط حرکت معتدل فقط متین اولمق و حقوقکزک تماماً محافظہ سیلہ حقوق آخرہ تجاوز ایتامک اساسنہ مستند بولنمق اعتباریلہ دول معظمہ متحابہ و قومشو حکومتلرلہ اولان مناسبات سیاسیہ مز کا کان صمیمی و ہر طرفدن متقابلاً ابراز اولنان مآثر ائتلاف و مسالمت پرورانہ ایلہ دہا زیادہ مستعد انکشاف و انبساطدر .

دولتزلہ ایران دولتی بینندہ مختلف فیہ اولان حدود مسئلہ سنک حلنی آرزو ایلدی کمزدن اساسات عہدیہ نک تبیینی صورتیلہ حقوق

حق‌بین معلوم اولدقندن سوکرا اشارتله قسم جائز اوله بيله چکنه دائر صدر اعظم سعید پاشا نك بيان مطالعه سی و شیخ الاسلام افندی نك تصدیق اوزرینه منتك تکرارینه حاجت کوروله مش ، موجود مبعوثانك اسامیسی اوقونهرق هر برینك کرسی خطابت اوکنه کلهرک یالکز « والله » دیمسيله آکتفا ایدیلشد. بوندن سوکرا کلچکر مبعوثان رئیس حضورنده عین ایده چکر در .

ریاست و کتابت . — الک منی احمد ماهر افندی (قسطهونی) کرسی ریاسته چیقدی ؛ الک کنجلی حسن فرهاد (قره سی) ، حق بها (بروسه) ، کاظم (از میر) ، حق (سینوب) بکرده کتابت موقعنه کادیلر .

فاتحه مذاکرات . — حاکمیت ملیه نك تشککای اولان مجلس عالی نك بوکون یکیدن کشاديله حیات مشروطیتك ایکنجی دوره اجتماعیه سی ، ادراک ایدیلدیکندن طولانی جناب حقه تشکر اولوندی . وطن مقدسك بر عضو قیمته داری اولان طرابلس غربده دین و وطن اوغورنده فدای حیات ایدن مجاهدین اسلامیه نك جمله سته مجلس نامه اهدای سلام و دائماً منصور و مظفر اولملری دعای یکریمان و یک وجدان اوله رق آلفیشلرله تکرار ایدیلدی .

تأخر مذاکرات . — موجود مبعوثانك عددی (۱۰۷) اولمی حسینیه اکثریت مطلقه بولمیدن مذاکره امکان کوروله مش ، مذاکره اکثریت حصوله تعلیق ایله مجلسه ختام ویریلشدر .

خرقه سعادت زیارتی . — ذات - حضرت پادشاهی جمعه کونی خرقة سعادت زیارت ایتیکی ائشاده مخادم کرامی ده معیتنده بولنیورلردی .

یکی کوری . — یکی ائشا ایدیلن کوری یرینه وضع ایدیلوب عابری نك مروری تأمین اولمشدر .

ادرسک هزیمتی . — قاهره دن (سه قولو) غرته سته اشعار ایدیلکنه نظراً یننده کی ادریس ، عساکر عثمانیه نك جسارت و شجاعت فوق العاده لرینه قارشو تاب آورمه اومت اوله یه رق ، بربرینی متوالی ایکی دفعه هریمته دوچار اولمشدر .

روسه سفیر هزیمتی و اعتماد نامه تقریمتی . — روسیه سفیر جدیدی موسیو دوکیرس مراسم معتاده ایله سرای هایونه کیدوب حضور پادشاهی یه قبول ایله اعتماد نامه سی تقدیم ایتمشدر . خارجییه ناظری عاصم بک ده حاضر بولنیوردی . سفیر طرفندن صمیمی بر نطق ایراد ایدلش و ذات حضرت پادشاهی طرفندن ده بالمقابله مناسب جواب ویرلشدر .

طیاره میلک رعثمانی ضابطری . — ضابطان عثمانیه دن بعضی لرینك لاجل التحصیل فرانسه طیاره جیلک مکینه اعزام اولنه چقلری اوله یازلمیشدی . آلتان معلومات موثوقه یه نظراً شو سوک کونلرده حربه نظارتجه ادرینه انشآت قومیسونه مأمور قول آغاسی جمال و برنجی قول اردو ضابطانندن یوز باشی رفیق ، فیضی ، سالم و ملازم ثانی نوری بکر تعیین واعزام اولمشلردر .

عثمانی - ایتالیان محاربه سی :

آئیده کی معلومات دارالحربده کی قوماندانلرک اشعاری اوزرینه لغزیه نظرارتندن عثمانی آژانسنه تبلیغ ایدیلشدر :

درنه :

۳۱ مارت . — مارتک ۳۱ نجی جمعه ایرتسی کونی ایتالیانلر درنه نك شرق استجکامندن طوب آتشنه باشلایه رق یوزی متجاوز صری انداخت و بو صورتله جوار اراضیده عسکرینک عدم موجودیتی حقیقده امنیت حاصل ایتدکن سوکره بر آلا ی پیاده و بریطاریه ایله مذکور استحکامک برکیلومتر قدر ایلرینه کیتمشلر ایشه ده شرق قونی ایله غریبن بر کوچک قوتنک

طرفینی تأمین و حدودی صورت قطعیده تعیین ایلک اوزره عثمانی ایران دلکهلرندن مرکب مختلط بر قومیسون تشکیل و مذاکراته ابتدار اولندی . مدت معینه ظرفده ائتلاف حصولی آرزو ایدرز . انتظارمنزک خلافتده اوله رق بعض نقاط حقیقده ائتلاف حاصل اوله مز ایشه بونلر لاهی محکمه تحکیمیه سته ابراز بدیله چک و بالجه دولتمنده رجال حقوقدن مرکب اولان بویه بر محکمه نك ویره چکی قرار بالطبع معمول به اوله چقدر .

بغیر حق و عهود و اصول بین الدوله مغایر اوله رق ایتالیانلر طرفندن اچیلان حرب هر طرفدن کوستریلان آرزوی صلحه رغماً دوام ایدیور . بزده صامی آرزو ایدرز . انجق بو حربک صلح ایله نتیجه لنمی حقوق حکمرانیزک فعلاً و تماماً ادامه وابقاسیله قابلد . (آلفیش)

عساکر بریه و بحریه منزک و مجاهدین نجیه عرب اولادمنزک (آلفیش) خاک پاک وطنک مدافعه و محافظه سی خصوصنده ابراز ایتکنده اولدقلری عزم و بسالت ، که الحق سزاوار تقدیردر ، تاریخ عسکری و ملیزمه شانی بر صحیفه علاوه ایتمشدر . (آلفیش) شهیدلرمنزک ارواحنه فاتحه لر و غازیلرمنزه سلام و دعا لر اتحاف ایدرم . (آلفیش)

موجودیتلرینی محافظه ایله سلامت و رفاهت عمومیه لرینی تأمین ایدن ملت لر بو سعادت غناصر مرکبه لرینک اتحاد و تعاونی ایله اصل اولمشلردر . منفعت مملکتک هر شیدن اقدم و اقدس طوطلسنی و متحد بوللمسنی کمال اخلاص ایله جمله یه توصیه ایلرم . سلامت ملک و ملت اوغورنده مصروف اوله جق مساعیکزک توفیقات سبحانییه مظهریتی جناب حقدن نیاز و مجلس عمومی یی کشاد ایدرم . (آلفیش)

نطق هایون ایکی یکریمی کچه ختام بولدی . بعده نقیب الاشراف افندی حضرتلری و اعیانندن ماستری اسماعیل حق افندی حضرتلری متعاقباً دعا ایدیلر .

ایکی بچقده ذات حضرت پادشاهی مجلس عمومی اعضای کرامنک مکرر آلفیشلری آرمسند معیت ملوکانه لرله اجتماع صالونندن مفارقت بیورمسيله جلسه یه ختام ویرلیدی .

[بعده ذات حضرت ملوکانه معیت سذیه لرنده ذوات مشارالیه م حضرتای اولدینی حالده طوطخانه میداننده واقع نصرتییه قصرینی تشریف بیورمشلردر . بوراده اعمالات حربه دواثری محافظه سته مأمور طاہور طرفندن ذات حضرت پادشاهی یه طعام نمونه سی تقدیم ایدیلش واکم ، مغارنه ، ایرمیک حلواسندن عبات اولان طعاملردن لطفاً تناول بیوریله رق افراده عطیه سذیه احسان و طاہور قومانداننده محظوظیت شاهانه لرینی بیان بیورمشلردر .]

§ ولی عهد سلطنت حضرتلری نزله دن مضطرب اولدقلری جهتله مرا - اشتراک بیورمه مامشلردر .

ایکنجی مجلس :

مجمع . — اسمی اوقونان مبعوث برر برر کرسی خطابت اوکنه کلهرک « ذات حضرت پادشاهی یه و وطنه حسن صورتله خدمت ایده چکنه و قانون اساسی یه و عهده مه تودیع اولنان وظیفه یه صداقتله خلافتدن مجانب ایدله چکنه والله » طرزنده عین ایدیوردی . عینک تکرارینه حاجت اولدیلنه ،

قارشولرینه کیتدیگرینی کورملری اوزرینه اوزاقدن درحال کری دونه‌رک استحکامات خطنه کری چکیلشلدرد .

منای قلعہ

۵ نیشامہ . — ایکجی قول اردو قوماندانلی ایلہ بحر سفید موقع مستحکم قوماندانلغک حربیہ نظارتہ اشعاری وجہلہ بوکون زوالی ساعت اون بری قرق بش کجہ دشمنک سکن زرهلیسی بحرسفید بوغازینک مدخلندہ بولسان طایبہ لرغزی بومباردمان ایتکک باشلاقلرندن طرفزدن دخی مستعیناً بتوفیقہ تعالیٰ مقابلہ ایدلشدر . اشوب بومباردمان ساعت ایکجی بقدر دوام ایتدی . دشمن ۳۰۰ اورخانہ طایبہ سنہ ۳۰۰ قوم قلعہ یہ ۳۰۰ سد البحر ۲۲ کہ جماعاً بوک چایی ۲۴۲ مری انداخت ایتلشدر . بوکامقابل بزم اورخانہ طایبہ مزدن ۲۴ وارطغرلدن ۳ مری آتیلشدر .

دشمنک آتدینی مریملردن هیچ بری طایبہ لرغزہ تصادف ایتامش و بناءً علیہ عساکر محاربزدن هیچ برینک برونی بیله قاناماشدر . یالکیز اورخانہ قیشلہ سنده برقوش بیقیلمش و برده حیوان تلف اولمشدر . قوم قلعہ و سد البحر قفوشلرینک برکوشه لرینہ مری اصابت ایتکک انقاض الہ قالدن غیر محارب برنفر کشید و بری ده مجروح اولمشدر .

دشمن سفائی طایبہ لرغزک مؤثر آتشی آلتہ کیرمکک جسارت ندمیه رک اون بیک مترو مسافدن آتش ایتلشدر . و طایبہ لرغزہ هیچ بر مری اصابت ایدہ مسنہ مقابل بزم طرفدن آتیلان ۲۷ مرییدن تخمیناً بشی ۵ اصابت ایلہ مشدر .

اشای محاربده ارطغرل طایبہ سندن آتیلان بر مری دشمن سفائ حریه سندن برینہ تصادف ایتکک سفینہ مذکورہ خط محاربہ یی ترکہ مجبور اولمشدر .

دشمنک شوتجاوژ نا کھانیسی اوزرینہ بحرسفید بوغازندہ اولجہ سفائ تجاریہ نک مرورینہ مخصوصاً طورپلسز براقلمش اولان کچید محلہ دخی طورپیل الفا ایدلکیکندن مذکور بوغاز اعلان اخیرہ قدر سفائ تجاریہ ایچون مع التأسف سد ایدلشدر .

بو شدتلی بومباردمانہ قارشوی مدافعہ قهرمانانہ بولسان آغیر طویچی عسکرلرمنک قوہ معنویہ سی فوق العادہ در . صنوف ساثرہ دن اولان عسکرلر مزده جنگلشمکک آمادہ در . هر طرفده اهالی ساکن و هجران مفقود در . دشمن سفائ حریہ سی آتشی کسدکن صوکرہ سد البحر طایبہ سنک آرقہ سنہ طوغری کیتلشدر .

سیام

۵ نیشامہ . — سیام امارتندن داخلہ نظارتہ یازدینہ کورہ نیشانک بشنجی کونی وسطی ساعت بش بچقدہ ایتالیانک اولا برطورپیدوسی واتی لیانہ کلوب بردور یابدقندن صکرہ اوزاقلاشمش ، براز صکرہ برقر و اوزور ایلہ برابر لیانہ عودت ایلشدر . قروازور برکونہ مطالبہ ده بولتمیزین و قواعد حقوق دولہ رعایت ایتککیزین عثمانلی سنجائی متموج بولسان قشله یی طویہ طوتفہ باشلامشدر . بو صرہ ده لیانہ کی احسانیه واپوری ، سوارسی طرفندن باشند قرہ ایدیلوب مرتبائی چیقارلشدر . طورپیدونک لیانہ تقریبی اوزرینہ قشله وجیخانہ لکده کی عساکر عثمانیه سنجائی مستصحباً ایجاب ایدن تدابیری آلتلشدر . قصیه آتیلان مریملردن طوب انباری ، مکاری حیوانائی آخوری یتمش . موزہ خانہ نک بر دیواریلہ بر خانہ کاملاً تخریب اولمش و اهالیدن ایکی کشی یارالامشدر . بومباردماندن اوج ساعت صوکرہ قروازور و طورپیدو سمت مجهولہ متوجهاً لیاندن حرکت ایتلشدر .

آرامانی

۷ نیشامہ . — آلاچاقی ده کی تللیز تلغراف آلتہ وقوع بولان بومباردمانہ دائر محلدن داخلہ نظارتہ بروجه آتی معلومات وارد اولمشدر . نک

بشنجی جمہ ایرتسی کونی آلا تورقہ ساعت اوج بچقدہ آلاچاقی ناحیه سنک سکن دقیقه لک مسافہ خارجندہ بولسان تللیز تلغراف استاسیونی جوارندہ « کرمان یالسی » لیانہ اولا دشمن فیلوسندن برطورپیدو کیرہ رک کشفیات اجرا ایتش و برمدت صکرہ اوج باجالی « یزا » زرهلیسی سیستمندہ بر حرب کیسی مذکور لیانده طورپیدونک یانہ بیورلیہ رک ساعت بش بچقدہ هرایکیسی طرفندن طوب آتشنہ باشلانہ رق طفسان بر مری آتیش و بولردن یالکیز بر دانہ سی اصابت ایتدیریلہ بیلشدر . حالبوکہ هدف اولان « آتہ لین » قلعہ سی سکسان بش مترو ارتفاعندہ ایدی . صوکرہ مریمنک قلعہ نک بر طرفنه اصابتدن صکرہ کیمیلر آتشی کسمش و اون دقیقه صکرہ تکرار آتشنہ باشلاہ رق ایکی یوز اون یدی مری آتشلردر . بومریملردن بر قاقچی تلغراف بناسنک شمال و غرب جھتلیرنک صاحبقلرینی قیرہ بیلشدر . شہرک خارج و داخلندہ جزئی و کلی هیچ بر ضرر واقع اولدینی کبی نفوسجہ ده ضایعات یوقدر . اهالینک بومباردمان اٹاسندہ ابراز ایلہ یکی متانت و سکونت شایان مدحدر .

دول معظمہ بر بریلین هراب . — بو هفته طرفندہ متعدد دفعہ لرده مجلس وکلا اجتماع ایدرک عثمانلی - ایتالیا حربی طرلا یسیلہ دول معظمہ دن بشی طرفندن کچن هفته خارجیه ناظری عاصم بک نزدندہ واقع اولان صلح توسطنہ و بریلہ جک جواب حقندہ اوزون مدت مذاکراتده بولنہ رق جوابی تبلیغنامہ نک تنظیمیلہ مشغول اولشلردر . بوبایدہ آلتان معلوماتہ کورہ مذکور جوابنامہ ده ، واقع اولان توسطلرندن طولانی دول مشارالیمہ بیان ممنونیت و بغیر حق عهود و اصول بین الدولہ مغایر اولہ رق ایتالیا طرفندن آچیلان حربک بدایتندن بو کونہ قدر صفحائی تعداد ایدلکدن صکرہ کوستریلان آرزوی عمومیہ رغماً حربک الآن دوام ایتککده اولدینی و حربک صلحاً نتیجہ لیمی حقوق حکمرانی عثمانینک فعلاً و تماماً ادامہ و ایفائی اساسیلہ قابل اولہ بیلہ حکمی درمیان و دولتلرک تشیباتک آله جنی نتیجہ یہ انتظار ایدلککیزین ایتالیا نلرک چناق قلعہ یہ تعرضلری تشیبات واقعہ نک نمرہ دار اولہ بیلمسنی اشکال ایدہ جکی بیان اولمشدر . خصوصات مذکورہ یی احتوا ایتسی اعتباریلہ مفصل اولان جوابنامہ تصدیق شاهانہ یہ اقرارن ایدلش و دول معظمہ سفراسنہ خارجیه مستشاری طرفندن تبلیغ اولمشدر .

دول معظمہ رهنای قلعہ بوغازینک مری . — ایتالیا فیلوسنک تعرضی اوزرینہ وسائط مدافعہ ایلہ تجهیز اولتان چناق قلعہ بوغازینک ، سفائ تجاریہ نک مرور و عبورینہ کشادہ بولندیرلسی حقندہ دول معظمہ سفراسنک باب عالی نزدندہ تشیباتده بولندقلری بعض تلغراف آژانسلری طرفندن اخبار اولمش ایدی . بومستلہ ده علاقہ دار اولان سفرانک بیانانہ نظراً مسدودیت واقعہ برمدافعہ مشر و وعدن متولد اولسی اعتباریلہ خصوص مذکور ایچون دولتلر شمیدیلک مراجعتہ لزوم کورمہ مشلردر .

قابلو تعمیری . — ایتالیا نلر طرفندن دوچار تخریب اولان مریس ایلہ ردوس آرہ سنندہ کی قابلونک تعمیراتک اکامیلہ محاربتک دوامی تأمین ایدلکی مرجعتہ کشیدہ اولتان تلغرافنامہ دن اکلایلمشدر .

بر دفا منای قلعہ بناسیلامشدر . — ایلک تعرضدن صکرہ دشمن فیلوسنک چناق قلعہ یہ یافلاشہ مدینی و قصبہ ده دخی آسایش مکمل اولدینی محلدن حربه نظارتہ وقوع بولان اشعاردن اکلایلمشدر .

آطری انغال ایرہ جلمس (۱) . — ایتالیا نلرک آق دکزدہ حرکات بحریدہ بولنسی ، ایمروز ، لینی ، ساقر و بوزجہ آطہ نک اشغالی مقصدندن منبعث اولدینی محافل رسمیه ده ظن اولمقدہ در .

وسائط استخباریه . — آطہ لرک وسائط استخباریه سی تشکیل ایدن قابلو خطنک دشمن طرفندن قطع ایدلسندن طولانی از میر وسائرہ کبی سواحل

صوکر حکومت علیینه حرکتی باشلایه حق و اهالی طرفندن وقوع بوله حق بویه برعکس انکلاک درجه سنی شمذیلک کیمسه تخمین ایدمه مکده اولدیغنی ده درمیان ایشلدر .

بلغارستان :

اسلام لر اولدی برلر بور ! . — بالفان غزته سنده اوقوندیغنه کوره ۹ نیشان آقشای قلمده خجیع برجنایت ارتکاب ایدلشدر . قلبه اشرافندن صائب افندی زاده علی بک و یحیی آغا زاده علی افندی (امیه نك علی) خجیع بر صورتده قتل ایدلشدر . وقعه قلبه ده . قلبه نك اگ غلبه نك موقعنده کی کبار قهوه خانه لرینک برنده وقوع بولشدر . اسباب جنایتی اوکره نلر بونک اولدن مرتب برشی اولدیغنه هیچ شبهه اتمزلر . هیچ شبهه اتمزلرکه بوا یکی مسلمانک فرمان سیاستی اولدن یازلش . چیرلش بر اجرا مأمورینه ویرلش اوده طینتنده کی شاعتی ابراز ایشلدر .

انگلتره :

لوندردده کی هندستانه جماعات اسلامیه سی قومیه نك مسیحانی . — انگلتره مطبوعاتنده اوقوندیغنه نظراً لوندردده کی هندستان جماعات اسلامیه سی قومیه سی طرفندن ایتالیانک چناق قلعه بوغازینه قارشو وقوع بولان حرکت اخیره سیله . روسیه نك (مشهد) ده (امام رضا) حضرت لرینک صرفه شریفی طویه طویلشدن طولای انگلتره قرالنه شکایت آمیز بر مخطره تقدیم ایش اولدقلری تحقیق ایشلدر . مذکور مخطره ده اگر انگلتره حکومتی مذکور ایکی متجاوز دوات حقنده جدی بروضعیت آلیه حق اولورسه ، بالعموم هندستان اهالی اسلامیه سنک نفرتی جلبه سببیت ویرمش اولدیغنی و بوا یسه کرک حال حاضرده و کرک مستقبلده انگلتره ایچون باعث فوز و فلاح اولیه جفنی واحتمالکه هندستانده بویوزدن انگلتره حکومتی بویوک فلاکت و مشکلاته دوچار اوله جفنی منطقی بر صورتده ایراد وافهام ایشلدر .

تونس ، جزائر :

تونس ، جزائر مسلمانلری و ایتالیا . — الان تونس و جزائر مسلمانلری آرمه سنده ایتالیانلره قارشو نفرت و خصومت دوام ایدیور . بر ایتالیان قومیه سینه عائد اولان تراموایلره حالا بوقوتاز یاییلیور . فرانسه مأمور لرینک کوستردکاری شدتله برابر بومشله به بر درلو نهایت ویرلهمامشدر . طرابلس و بنغازی مجاهدین اسلامیه سینه کوندلرک اوزره کلی مقدارده اعانات تقدیه طویلشمشدر . مبالغ مذکوره پیدرپی محله ایصال ایدلکده در . بوخس نفرت و خصومت ابدی و دائمی صورتده ایتالیانلره قارشو اجرا ایدله جکدر . تونس و جزائر مسلمانلری بوبابده یمن و قسم ایشلدر .

فاس :

فاسده اغتشاش . — یکیدن فاسده اغتشاشات حاصل اولغه باشلا مشدر . فرانسلر علیهنده فاس قبائلی طرفندن تدابیر فعلیه اتخاذ اوله رق اون ایکی فرانسه ضابطک اتلافی ممکن اولشدر . فاسده کی فرانسه مأمور سیاسی تلاشه دوشوب کندی حکومته یله مخبراته دوام ایدلکده در .

سلطان (مولای حفیظ) (دارالبیضا) موقعنه التجا اتمک فکرنده ایکن موسیو (رهنبوت) ک توصیه سی اوزرینه بر بولوک عسکرک تحت محافظه سنده اوله رق سراینده قالمشدر . فاسده کی عساکر عاصیه نك باشنده بولان رؤسای محلیه جنرال (دالیه) به عرض دخالت اتمک اوزره (طنجه) به مواصلت ایشلدر . فاس قبائلنده عصیت کیتدکجه حاد بر شکل آلمده

عثمانیه اوغرایان سفائن تجاریه قبودان و یولچیلرندن معلومات استحصال اولمقده در .

مینان قلمه بوغازینک کشاری . — بو هفته طرفنده اجتماع ایدن مجلس وکلاده چناق قلعه بوغازینک سفائن تجاریه به کشادی مسئله نی موضوع بحث اولش ایدمه بوبابده هنوز بر قرار قطعی اتخاذ اولنممشدر .

شهر امانتی رزخ همدانی . — اصنافک فرصتدن استفاده مقصدیه خواجه ضروریه دن اولان و بلدی قانونه تابع بولان اشیایه غالی فیئات تعیین اتمکده اولدقلری نظر دقتیه آله رق بوبابده کی خواجه ضروریه نك اگ باشلیجه لرندن بولان یکریمی درت قلم اشیایه فیئات تعیین ایدیلوب مطبوعات واسطه سیله نشر ایتدیرلشدر .

روسیه نك بحر سیاه قیامی . — روسیه نك بحر سیاه فیلولسنک امیرالی مذکور فیلولنک حال سفر بری به وضع ایدلش اولدیغنه دائر دوران ایدن شایعه یی صورت قطعیه ده تکذیب ایشلدر . موسیو الیه ، ایتالیانک حرکت بحریه سی حکومت عثمانیه یی قورقوده حق درجه ده شدتلی اولدیغنی مطالعه سنی ده درمیان ایشلدر .

روسیه برونسو اتیمه مشدر . — بوغازلرک سدی منافع بین الملله مخالف اولدیغنی جهنله روسیه حکومتک باب عالی نزدنده پروتستوده بولنه جفنه دائر پترسبورغه بعض شایعات دوران اتمکده اولدیغنی شهر مذکورده صورت خصوصیه ده تکذیب ایشلدر .

طرهانه یاشا رسازونوف . — طرخان پاشا روسیه خارجیه ناظری موسیو سازونوف ایله ملاقات ایش و ناظر مشار الیه ، روسیه نك حسیات دوستانه پرورده ایدلیکنه دائر تأمینات لازمه ده بولنمشدر . بوغازلرک سدی مسئله سینه کلنجه : بوموقت برمدت ایچون اولدیغنی تقدیرده روسیه بر اعتراض درمیان اتیمه جکمش .

ایتالیانلر دلیله طیفلمشدر . — طرابلسدن کلن مکتوبلره نظراً تدقیقات اجراسیچون حریدن اول (فزان) ه عزیمت ایش اولان ایتالیان هیئت فنییه سی اعضایی اثنای راهده توقیف ایدیلرک جبل غربیه کوندلرلش و اوزاده حبس ایدلشدر .

سنوسی حضرتلری . — سنوسی حضرتلری طرفندن کویا اون ایکی زاویه ریسنه ، عثمانی اردوگاهنی ترک ایللری لزومنی امر ایدلیکنی ایتالیانلر اشاعه اتمکده درلر . بویه برشایعات کاذبه ایله تغلیط اذهانه مسارعت ایدیورلر . سنوسی حضرتلری ایسه کوندن کونه اتباعی میدان حربیه کوندریور . کندبسی ده اردوگاه عثمانی به تقرب اتمکده و ایتالیانلر علیهنده هر صورتله طاور اتمقده در .

ایتالیا :

ایتالیانلر اغتشاشات . — ایتالیا احوال اجتماعیه سینه واقف اولان اجنی رجال سیاسیه سندن برینک فرانسه غزته لرندن برینک محررینه بیان ایدلیکنه کوره ، اروپا مطبوعاتنک چناق قلعه تعرضه قارشو استعمال ایش اولدیغنی لسان ، ایتالیاده بک فنا بر تأثیر حصوله کتیره جکدر . ایتالیا افکار عمومییه سی چناق قلعه بومباردمانندن موقه بمنون اولدقدن صکره بونک طرابلس غرب و بنغازی هزمتلرینه منضم اولان یکی بر هزمت اولدیغنی اوکرندکلری زمان شدید بر انکسار خیاله اوغرایه جقلری و ایتالیا حکومتک حرب حاضری بر نتیجه حسنه ایصاله غیرمقتدر بولدیغنه قناعت حاصل ایلله جکنی ینه مذکور دیالومات سویلشدر . ایتالیا افکار عمومییه سی بو صورتله مایوس اولدقدن

چین :

چین - نیت اغتشاشی . — استاندارد غرته سنده اوقونديغنه كوره نیت - چین حدودنده حاصل اولان براغتاشاش آشناسنده تیتیلر ، چینلاردن يك چوق كیمسه لری اله کچیروب دیری دیری یاقشیلردر . اخیراً بو حالدن خبردار اولان چینلیر ایسه اخذ ثار وانتقام ایچون تیتیلرله هجومله برچوغنی اولدیردکن صکره معبدلریخده یاقشیلردر .

چین اسکی ویکلی عسکرلری . — چینه تابع (وانسین) شهرنده اخیراً اسکی ویکلی عسکرلر آره سنده کورولتی حاصل اوله رق سلاحه صارلغه مجبور اولشلردر . دوامی مصادمه لردن صکره هرابکی طرفدن یوز کیشی تلف اولدینی استناددار غرته سنده اوقونمشدر .

مغولستانه چینیه آیرلشمدر . — (قولچه) دن پترسبورغه اشعار اولندیغنه کوره ، تکمیل مغولستان ، چین جمهوریتله قطع رابطه ایدرک اعلان استقلال ایلشدر .

آمریکا :

نیپا نیو راپوری قضاسی . — صوتامیتوندن نیو یورقه کیمکه اولان انگلیز تیتانیق سفینه جسیمه سی افرنجی نیسانک سکرزنجی بازار کونی ایشاخو ساعت اونبری قرق کچه « تر نوو » آطه لری اطرافنده ، بون برونی جوارنده ، قاب دوراسدن ۳۰۰ میل اوزاقده ، ۴۱ درجه ، ۴۶ دقیقه عرض شمالی ، ۵۰ درجه ۱۴ دقیقه طول غربیده ، وجودندن کچ خبردار اولان ساح بر بوز کتله سته چاربه رق نصف الیلدن صوکر ساعت ایکی به یکریمی کچه غرق اولمشدر . باتدینی محل ۳۷۰۰ مترو درینلکننده در . تلشز تلغرافله نصف الیلده قضازده واپوردن امداد طلبی آلمش اولان قاریاتیا واپوری صباحک ساعت دردنده محل حادثه یه یتشمش ، حیاته کیر کنیدی طرفندن قورتارلشدر . تیتانیقده ۱۵۰۰ یولجی ۹۴۰ طاقه وار ایدی که جمعا ۲۳۴۰ کشی به بالغ اولفده ایدی . یولجیلردن ۴۳۵ طاقه لردن ۲۱۰ که جمعا ۶۴۵ کشی قورتولمشدر .

تیتانیق شیمدی به قدر انشا ایدلش اولان سفائن جسیمه نك اك بویوکی ایدی . طولی ۲۶۸ ، عرضی ۲۸ ، عمقی ده ۲۹ متره ایدی . جم استیماییسی ۴۶،۳۸۲ طویلاتو اولوب بومقدار ایوم موجود درینوطلردن اك بویوکارینك ایکی مثله معادلدر . باجالردن بهری . ایچندن چفته خطلی برترن پك قولایچه کچه سیله جك درجه ده بویو کدی . کینك دومنی ۱۰۷،۵۰ و بر دمیری ۱۵،۷۴۰ کیلو ثقلتده ایدی .

کینك تقیحات و تزیینات فوق العاده سی ایسه حقیقه هر درلو تص و برک فوقنده ایدی .

تیتانیق سفینه سنك حوله سی ۵۰،۰۰۰ جوال قهوه و چایدن مرکب ایدی . بوندن بشقه سفینه ده یوزملیون دکرنده الماس وسائر زینت طاشلری بولمقده ایدی . یولجیلرک اشیارلر یوزملیوندن زیاده برقیمت تقدیر اولمقده در . طاقه لره سنده یدمی میلیون مکتوب ضایع اولمشدر . خسارات ۵۰۰ میلیون مارق تجاوز ایتکده در .

تیتانیقک باتمی پك شیع اولمشدر . صولرک شدتله نفوذندن طوموبه لر حرکتدن معطل قالمشدر . الکتریک دیناموسی حرکتدن ساقط اولدیغندن لامبه لر بردنبره سونمش ، واپور طلعتلر ایچنده قالمشدر . چوققلرله قادیلر سفینه دن آیرلدقاری وقت حاصل اولان منظره پك مدهش اولدینی تخلص اولنان یولجیلر آکلادیور . اوروپا وامریکانک برخیلی بیوک ذواتی ده مفروقین میاننده در . بوقضا اوروپا وامریقاده پك بیوک برتأثیر اجرا ایتمشدر ، بیکلرجه انسانلر ماملر ایچنده در .

ومولای حیظک فرانسه مطالبه سرفروایدوب معاهده نامه یی امضا ایتدیکندن طولای مملکته ولته بویوک برخیات اجرا ایتش اولدیغنه دائر قناعت حاصل ایلکده درلر .

فرانسه حکومتجه اغتشاشات مذکور به نهایت ویرمک ضمننده تدابیر مقتضیه به توسل ایداک اوزره در .

ایران :

سالارالدوله . — سالارالدوله اگرمانشاه روس وانکلیز قونسلوسلری طرفندن درمیان اولنان تکلیفاتی رد ایلدور . مقام حکمداری اوزرنده حقوق ادعا ایتکده اولدینی اهالی به اعلان ایدیور . کنیدیسه التحاق ایدن رؤسای قبائل ایله برطرفندن ده مخبره ایتکده در . حکومت ایرانیه طرفندن سالارالدوله تأدینه چالیشلمقده در . پرنس قرمانفرما قازاق وسواری قطعاتندن مرکب بر مفرزه ایله قزویندن همدانه حرکت ایتمشدر . مرقوم همدانه کنیدیسه انتظار ایدن دیکر بیک کیشیلک برقوته التحاق ایده جکدر . قوتلی برنجیاری مفرزه سی (زنجان) موقعی اشغال ایلشدر .

ایران نائب حکومتی . — کچن سنه مجلس مبعوثاندن اخذ مأذونیت ایدن ایران نائب السلطنه سی اوروپایه عزیمت ایدیور . مشارالیه ایرانلیر علیه اجرا ایلدکلی نمایش اوزرینه کوجندیرمشلردر . نیابت حکومتی ده موقراتلر اله ایتکه چالیشمقده درلر . ذاتاً بونک ایچون برچوق کیمسه لر ومبعوثلر چالیشملردی . سردار اسمعده بومقام ایچون زیاده چالیشانلردندر . فقط حال حاضرده کی نائب حکومت قدر عالم وفاصل بر کیمسه ناصردلر ایچنده یوقدر . بو آوروپایه کیدرسه بردها کری دومیه جکدر .

شهر بومباردمانی و پرفسور براون . — مشهده کی امام ثامن (علی بن موسی حضرتلرینك) مرقده شریفی روسلر طرفندن بومباردمان ایلدیکی اشناده زیارتچیلردن یوز کیشی قدر طوب کواله لرندن متأثراً وفات ایتلردر . روسلر ، کویا هزاره مذکوره التجا ایدن اشقیایی یاخود شاه سابق طرفدارانی طاغوتی بهانه سیله بوفعل مذمومی اختیار ایتدکلیخ ادعا ایدیورلر . پروفسور براون (مانچستر غاردیان) ه یازدینی بر مقاله ده روسلرک تجاوزاتی پروتستو ایدرک ، بالالزام بوفعل مقبوح ارتکاب اولدینی اتیان ایله روسلر طرفندن مقبره مذکوره ده موجود اولوب ایران شاهلریله اغنیالری طرفندن محل مذکوره تبرکاً اهدا اولنان مجوهرات و آثار عتیقه نك یغما ایلدیکی و روس قازاقلری آتلیله مذکور محل مبارکه هجوم اولدینی درمیان ایتکله انکلتزه حکومتنک نظردقتی جلب ایتک ایستمشدر . روسلرک بوتجاوزلردن عموم شیعیلرک ناخشنود اولدقاری ده پروفسور مشارالیه بیان ایلشدر .

سالارالدوله اغرورنده صرف اولمانه مبالغ . — سالارالدوله علیهنده کوندربلن ژاندارمه تشکیلاتی ایچون شیمدی به قدر وقوع بولان صرفیات همان ایکی میلیون روبله به بالغ اولمشدر .

تبریز امضای . — تبریز شهری وملحقاتی اهالیسی والینک تبدیلندن طولای حال هیجانه در . شهرده عقد اجتماع ایدن علما وتجار شجاع الدوله نك تکرار والی تعیین ایدلنی طلب ایلش واغتشاشاته میدان ویرمه مک ایچون بعض تدابیر اتحادینه قرار ویرمشدر . شجاع الدوله ، معیتنده مراغه دن کوندربلن اوچوز آللی سواری عسکری بولدینی حالده شهری طولاشه رق اهالی یی تسکین ایلشدر .

میرزا وفرا ایلر . — سپه دارک عودتی امید ایدن فدائیلر ، تبریزده طویلاقمده درلر . سالارالدوله معیتنده کی سکر بیک سواریله (زنجان) شهرینی اشغال ایتمشدر . محمل السلطنه ، سالارالدوله نك قورقوسندن برقریه به التجا ایتمشدر .